



JABATAN PERDANA MENTERI
MALAYSIA
JALAN DATO' ONN,
50502 KUALA LIMPUR

Telefon: 2321957

Kawat: PERDANA

Ruj. Kami: PM(S)110034 Jld.IV/
(71)

Tarikh: 1 Mei 1989.

Ketua-Ketua Setiausaha Kementerian,
Y.B. Setiausaha-Setiausaha Kerajaan Negeri,
Ketua-Ketua Jabatan Persekutuan,
Ketua-Ketua Badan Berkanun Persekutuan.

SURAT PEKELILING AM BIL. 1 TAHUN 1989

MAJLIS LATIHAN VOKASIONAL KEBANGSAAN

1. Tujuan

1.1. Tujuan Pekeliling ini adalah untuk memaklumkan mengenai penubuhan Majlis Latihan Vokasional Kebangsaan sebagai badan penyelarasan perancangan dan pembangunan latihan vokasional kebangsaan serta fokus utama bagi aktiviti-aktiviti latihan vokasional dan perindustrian.

2. Latarbelakang Majlis Latihan Vokasional Kebangsaan

2.1. Kerajaan telah bersetuju menubuhkan Majlis Latihan Vokasional Kebangsaan (MLVK) dibawah Kementerian Burun

melalui penyusunan semula Lembaga Latihan Perindustrian dan Persijilan Ketukangan Kebangsaan (LLPPKK).

2.2. Tujuan utama penubuhan Majlis ini adalah untuk memastikan keberkesanan pembangunan tenaga kerja mahir dan separuh mahir bersesuaian dengan objektif dan strategi pembangunan negara serta keperluan pembangunan teknologi.

3. Objektif Majlis

3.1. Objektif Majlis adalah:-

- (i) Untuk mewujudkan satu sistem penyelarasan latihan vokasional dan perindustrian yang menyeluruh dan bersesuaian dengan strategi dan objektif pembangunan ekonomi Malaysia serta keperluan pembangunan teknologi;
- (ii) Untuk menggalak, membantu dan membangunkan program-program latihan vokasional dan perindustrian diperingkat mahir dan separuh mahir;
- (iii) Untuk menentukan pencapaian tahap kemahiran seimbang dengan tahap kemajuan teknologi;
- (iv) Untuk menyediakan rancangan bagi menggunakan sepenuhnya potensi latihan di loji di syarikat-syarikat yang terpilih dan di institusi-institusi latihan swasta.

4. Bidang Tugas Majlis

4.1. Bidang tugas Majlis adalah:-

- (i) Menilai dan mengesyorkan secara berterusan keperluan kemahiran pada masa kini dan akan datang bagi tenaga kerja mahir dan separuh mahir;
- (ii) Mengesan dan menilai terhadap pelaksanaan aktiviti-aktiviti dan program-program latihan vokasional yang ada sekarang yang dijalankan oleh institusi-institusi latihan awam bagi memastikan ianya sejajar dengan keperluan-keperluan dan keutamaan-keutamaan latihan vokasional serta memperakukan pindaan dan perubahan yang sesuai;
- (iii) Menilai dan menentukan keperluan untuk memperkembangkan program-program latihan sedia ada atau penubuhan program-program latihan baru oleh institusi-institusi latihan awam yang menjalankan latihan vokasional;
- (iv) Berdasarkan (iii) memberi nasihat kepada Kerajaan keatas cadangan-cadangan mengenai program-program latihan vokasional yang dikemukakan oleh agensi latihan awam dari segi kesesuaiannya dan supaya selaras dengan keperluan-keperluan dan keutamaan-keutamaan latihan vokasional;

- (v) Membantu dan menggalak pembangunan program latihan di loji;
- (vi) Membentuk piawaian ketukangan kebangsaan dan mewujudkan sukatan latihan;
- (vii) Mengurus dan melaksanakan program ujian ketukangan dan persijilan kebangsaan;
- (viii) Membantu tenaga pengajar mengemaskini pengetahuan mereka terhadap kemajuan teknologi di industri;
- (ix) Menggalak dan menjalankan kajian dan penyelidikan terhadap latihan vokasional secara menyeluruh atau dalam bidang tertentu dan menerbitkan hasil-hasil kajian dan analisa tersebut.

5. Keahlian Majlis

5.1. Majlis dianggotai oleh 22 ahli yang dilantik oleh YB. Menteri Buruh dan terdiri dari 10 wakil dari Kementerian/Agensi Kerajaan yang terlibat dalam latihan vokasional, 10 wakil dari sektor swasta dan 2 ahli bebas.

6. Pembubaran Lembaga Kemajuan Tenaga Manusia

6.1. Dengan penubuhan Majlis ini Kerajaan juga bersetuju membubarkan Lembaga Kemajuan Tenaga Manusia (Manpower Development Board).

7. Pemansuhan Surat Pekeliling Am Bil. 2 Tahun 1980

7.1. Surat Pekeliling Am Bil. 2 Tahun 1980 dengan ini dimansuhkan.

8. Penutup

8.1. Dengan keluarnya Surat Pekeliling Am ini, maka semua Kementerian, Jabatan, Badan-Badan Berkanun dan Badan Kerajaan bolehlah merujuk kepada Majlis Latihan Vokasional Kebangsaan atas perkara-perkara yang berkaitan dengan latihan vokasional dan perindustrian. Alamat Urusetia adalah seperti berikut:-

Setiausaha Eksekutif,
Majlis Latihan Vokasional Kebangsaan,
Paras 7, Blok B, Jalan Damanlela,
Pusat Bandar Damansara,
Damansara Heights,
50530 KUALA LUMPUR.

Tel: 03-2557222

' BERKHIDMAT UNTUK NEGARA '

' CINTAILAH BAHASA KITA '



(TAN SRI DATO' SALLEHUDDIN BIN MOHAMED)
Ketua Setiausaha Negara